



SIUMUT INATSISARTUNI ILAASORTAATITAT

Nuuk, 12. oktober 2012

Inatsisartut suleriaasiat §37 imm. 1 aallaavigalugu Naalakkersuisunut apeqquteqaatit:

- 1. 2012-mut Inatsisartut Aningaasanut Inatsisaat eqqarsaatigalugu qanoq amerlatigisunik Naalakkersuisoqarfiit assigiinngitsut tamaasa ataasiakkaarlugit ullumikkut aningaasanik atunngitsuugaqarpat?**
- 2. 2012-mut Aningaasanut Inatsit eqqarsaatigalugu suut Naalakkersuisunit pilersaarutaagaluartut unitsinneqarsimappat, unitsinneqarsimappatalu sooq piviusunngortinneqarsimannginnerpat?**

(Inatsisartuni ilaasortaq Ruth Heilmann, Siumut)

Tungavilersuut:

11. oktober 2012 Inatsisartut ataatsimiittarfiani imm. 23-p oqaluuserineqarneranut tunngatillugu aningaasalissuteqarfigineqarnissaa pillugu siunnersuuteqartup oqaatigaa Ilaqutariinnermut Ilageeqarnermut Kultureqarnermullu Naalakkersuisoqarfimmit 2012-imut Aningaasanut Inatsimmi atunngitsuukkaniik 33 mio. kr.-nit aaneqarsinnaasut, tassalu Inatsisartut Aningaasanut Inatsisaanni pilersaarutaagaluartunut atunngitsoorneqarsimasuniit aningaasalerneqarnissaa innersuussutigalugu. Taamaattumik imatut apeqquteqarnissannut tunngavissaqarluarama Inatsisartuni ilaasortatut Naalakkersuisunut apeqquteqarpunga.